



13. maj 2025

Inatsisartut Suleriaasianni § 37, imm. 1 naapertorlugu Naalakkersuisunut imaattunik apeqquiteqarpunga.

Apeqqutit:

1. Ullukinneq ullutut sulinngiffittut ilivitsutut sulinngiffinngortinniarlugu Naalakkersuisut inatsisissatut siunnersuummik saqqummiussissappat?

A. Akissut aappiuppat, Naalakkersuisut pisortani namminersortunilu immikkoortumi illuatungeriinnik isumaqatiginninniarnernik ingerlatsisunik ullormit allamit ullup affaanik ullormilluunniit ilivitsumik ullukinnermi ullup affaani ullormiluunniit ilivitsumi nuullugu sulinngiffinngortinnissaa siunertaralugu oqaloqatiginninnerit suna inerneraat?

B. Akissut naamiuppat, ullukinnerup ullutut sulinngiffittut/nalliuttutut pingaarnersiorneqannginnera pillugu Naalakkersuisut nassuiaanissaannik qinnuigineqarput.

(Inatsisartunut ilaasortaq Nivi Rosing, Inuit Ataqatigiit)

Tunngavilersuut:

Inatsisartut 2024-mi upernaakkut ataatsimiinneranni Naalakkersuisut ullukinnerup ullup affaani ullutulluunniit ilivitsutut ullormit allamit nuussilluni sulinngiffinngortinnissaa siunertaralugu pisortani namminersortunilu isumaqatiginninniartarnermi illuatungeriinnut saaffiginninnissaannik qinnuigineqarnissaannik Inatsisartut aalajangerput.

Kulturerput aallaavigalugu ullumik nalliuttumik peqarnissarput pingaartuusoq isumaqarpunga. Ulloq ukiup taartup qaammariartulerneranik nalliussisoq. Ulloq qaammatinut aggersuni neriuuteqalernermik takutitsisoq.

Pisimasut pillugit saammaateqatigiinnermi kulturitsinnit pisumik ulluk nalliuttoqalernissarput pingaartuusoq aamma isumaqarpunga.

Apeqqutima ullut qulit ingerlannerani akineqassasut qinnutigaara.